

بيت المقدس دان اسراء معراج

الْحَمْدُ لِلَّهِ الَّذِي لَمْ يَتَّخِذْ وَلَدًا وَلَمْ يَكُنْ لَهُ شَرِيكٌ فِي الْمُلْكِ وَلَمْ يَكُنْ لَهُ وَاوِيٌّ
مِّنَ الدُّنْيَا وَكَبِيرُهُ تَكْبِيرًا. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، لَهُ الْمُلْكُ وَلَهُ
الْحَمْدُ وَهُوَ عَلَى كُلِّ شَيْءٍ قَدِيرٌ. وَأَشْهَدُ أَنَّ مُحَمَّدًا عَبْدُهُ وَرَسُولُهُ، أَرْسَلَهُ اللَّهُ بَشِيرًا
وَنَذِيرًا بَيْنَ يَدَيْ السَّاعَةِ، فَأَدَّى الْأَمَانَةَ، وَبَلَّغَ الرِّسَالَةَ، وَنَصَحَ الْأُمَّةَ، وَجَاهَدَ فِي اللَّهِ
حَقَّ جِهَادِهِ. اللَّهُمَّ صَلِّ وَسَلِّمْ وَبَارِكْ عَلَى حَبِيبِنَا وَشَفِيعِنَا وَإِمَامِنَا وَقُدْوَتِنَا مُحَمَّدٍ، إِمَامِ
الْمُتَّقِينَ وَقَائِدِ الدُّعَاةِ الْمُجَاهِدِينَ وَعَلَى آلِهِ وَأَصْحَابِهِ وَالتَّابِعِينَ لَهُمْ بِإِحْسَانٍ إِلَى يَوْمِ
الدِّينِ.

أَمَّا بَعْدُ:

فَيَا عِبَادَ اللَّهِ، اتَّقُوا اللَّهَ. وَتَزَوَّدُوا فَإِنَّ خَيْرَ الزَّادِ التَّقْوَى، فَقَدْ فَازَ الْمُتَّقُونَ.

واهي همبا ۲ الله، برتقواله كامو كفد الله دغن مغيكوت سكل فرينتهن دان منيغكلكن
سكل لارغثن. چاريله بكالن، مك سسوغكوهن سبايك ۲ بكالن اياله برتقوى كفد الله. مك
سسوغكوهن برجاي دان سلامتله اورغ ۲ يغ برتقوى كفد الله.

أَعُوذُ بِاللَّهِ مِنَ الشَّيْطَانِ الرَّجِيمِ.

سُبْحَانَ الَّذِي أَسْرَى بِعَبْدِهِ لَيْلًا مِنَ الْمَسْجِدِ الْحَرَامِ إِلَى الْمَسْجِدِ الْأَقْصَا الَّذِي
بَرَكْنَا حَوْلَهُ لِنُرِيَهُ وَمِنَ آيَاتِنَا إِنَّهُ هُوَ السَّمِيعُ الْبَصِيرُ ﴿۱﴾ [سورة الإسراء: ۱]

(مقصودن): مها سوچي الله يغ تله منجالنكن همباث (محمد) فد مالم هاري دري
مسجدالحرام (دمكة) كمسجد الأقصى (دفلستين)، يغ كامي بركاتي سكليلغثن، اونتوق
ممفرلمبتكن كفداث تندنا ۲ (ككواسان دان كبسران) كامي. سسوغكوهن الله جواله يغ مها مندغر،
لاكي مها مغهوي.

سوداراكو مسلمين يغ درحماتي الله،

اية اين ممفرايغاتي فرايستيو اسراء دان معراج، دمان نبي محمد صلى الله عليه وسلم
دجمفوت منجادي تتامو الله سبحانه وتعالى اونتوق مليهت اية ٢ (تندا ٢١) ككواسانث. فرجالنن
دري مكة كبيت المقدس دان نايك كلاغيت ممبري معنا يغ ساغت بسر. دتموكن دغن نبي ٢ دان
رسول ٢ عليهم الصلاة والسلام دببت المقدس. تري سيتو دباوا كلاغيت سهيغك سدره المنتهى.

بيت النقدس منجادي فرهنتين دانتارا بومي دان لاغيت، منموكن لاغيت دان بومي، دنيا
دان اخيرة، منموكن نبي ٢ دن رسول ٢ عليهم الصلاة والسلام اونتوق دتونجوقكن كبسران الله
كتيك محمد صلى الله عليه وسلم داوتوس منجادي رسول كقد سلوروه دنيا. بكيمان رسول يغ
داوتوسكن كسلوروه دنيا تله مندافت تنتاغن دمكة المكرمة اوله كلواركان تري كالغن بغسا
عرب يغ كرس دان ظاليم. بكيمان بومي يغ كريغ يغ تيدق اد هرت بوله ممبينا كقواتن اونتوق
ممباوا اجارن اسلام كسلوروه فلوسوق دنيا. بكيمان اسلام هندق دسمفيكن كران دكفوغ اوله
كواس ٢ بسر دنيا سفرت فرسي، روم، چينا، انديا، مصر دان لأين ٢ لاكي، دسمفيغ قبيلة ٢ عرب
يغ كانس. بكيمان اسلام هندق دسيبركن كسلوروه فلوسوق دنيا.

مك الله سبحانه وتعالى منونجوقكن كبسرانث فد مالم اسراء دان معراج اونتوق مپتاكلن
كسلوروه دنيا بهوا سموا كراجان يغ اد دنيا يغ منتغ اسلام، سموا راج دان فميمفين دنيا يغ
منتغ اسلام دان سموا يغ مغموفول كقواتن انتوق منتغ اسلام دنيا اين اداله هابوق يغ
هالوس دباوه ككواسان الله سبحانه وتعالى يغ تباد بنديغن دان تباد تنديغن. اسلام تري الله
سبحانه وتعالى دان نبي محمد صلى الله عليه وسلم دلنتيق اوله الله سبحانه وتعالى منجادي
رسول كسلوروه فلوسوق دنيا.

كيت ميقسيكن سلفس كوفاتن رسول الله صلى الله عليه وسلم مغيغتك فارا صحابة
رضي الله عنهم كقد فرمان الله تعالى:

وَمَا مُحَمَّدٌ إِلَّا رَسُولٌ قَدْ خَلَتْ مِنْ قَبْلِهِ الرُّسُلُ أَفَإِنْ مَاتَ أَوْ قُتِلَ أُنْقَلَبْتُمْ عَلَى
أَعْقَابِكُمْ وَمَنْ يَنْقَلِبْ عَلَى عَقْبَيْهِ فَلَنْ يَضُرَّ اللَّهَ شَيْئًا وَسَيَجْزِي اللَّهُ الشَّاكِرِينَ ﴿١٤٤﴾

[سورة آل عمران : ١٤٤]

(مقصودن): دان محمد ایت تیدق لأین هپاله سنورغ رسول یغ سوده فون ددهولوی اوله ببراف اورغ رسول (یغ تله ماتی اتو تربونه). جک دمکین، کالو دی فول ماتی اتو تربونه، (فاتوتکه) کامو برالیق (برفالیغ تاده منجادی کافر)؟ دان (ایغتله)، سسیاف یغ برالیق (منجادی کافر) مک دی تیدق اکن منداتغکن مضرة کفد الله سدیکیت فون دان (سبالیقن) الله اکن ممبری بالسن فهلا کفد اورغ ۲ یغ برشکور (اکن نعمة اسلام یغ تیدق اد بندیغن ایت).

بیت المقدس یغ دتلوق اوله روم بیزینتین، کواس بسر دنیا دجاتوهکن دزمان خلیفة عمر ابن الخطاب رضی الله عنه. بیت المقدس، بومی انبیاء، بومی نبی ۲ دان قبله یغ فرتام یغ داساسکن اوله نبی ابراهیم علیه السلام دسمفیغ مکه المکرمة تمفت بردیریش کعبه. بیت المقدس یغ درمفس اوله روم تیمور، کریستیان یغ مپلیویغ دکالهکن اوله اسلام دزمان سیدنا عمر ابن الخطاب رضی الله عنه.

کتیک امیر المؤمنین سیدنا عمر ابن الخطاب رضی الله عنه ملاوات بیت المقدس، دسمفیکن اوچافن یغ ترکنل کفد فارا صحابة رضی الله عنهم دان اورغ ۲ اسلام یغ حاضر. انتارا لأین منکسکن:

نَحْنُ قَوْمٌ أَعَزَّنَا اللَّهُ بِالْإِسْلَامِ، وَمَهْمَا نَبْتَعِ الْعِزَّةَ بغيرِهِ أَذَلَّنَا اللَّهُ.

(مقصودن): کیت اداله اومه یغ دبیری کملیان اوله الله دغن اسلام، سکیرا کیت منچاری کملیان سلاین درین نسچای کیت منزما فغهبینان درفد الله.

سجاره ممبوقتیکن بیت المقدس دتلوق سکالی لاکئی اوله تنترا صالب کریستیان. مریک مغواسای بیت المقدس، ممبونه فندودقن ۲ یغ اسلام، سهیغک برکلیمفاغن میت دان مغالیر داره یغ باق افبیل اورغ ۲ اسلام لیک دان منیغکلکن اجارن اسلام. الله سبحانه وتعالی منونجوقکن اسلام تیدق بوله دکالهکن والوفون بیت المقدس دتاون اوله موسه. الله منججیکن اسلام تیدق بوله دکالهکن. الله ملاهیکن صلاح الدین الأیوبی دری بغسا کردش ممیمفین اورغ ۲ اسلام دزمان ایت ممبیبسکن بیت المقدس یغ دتلوق سلاما سراتوس تاهون اوله تنترا صالب کریستیان. بیت المقدس دبیبسکن اوله سلطان صلاح الدین الأیوبی.

دزمان متأخر کیت مپقسیکن بیت المقدس دتلوق اوله اورغ ۲ یهودی سهیغک هاری این. مریک سدغ مگکالی لوبغ ۲ دسکللیغ بیت المقدس کونن اونتوق منچاری تابوت (فتی نبی داود علیه السلام)، فتی حکمة یغ ممبری کواس اونتوق منعلوق دنیا.

کجاتوهن بیت المقدس دان فلسطین سلوروهن افبیل اورغ ۲ عرب منیغکلکن اسلام. تاهون 1948 فلسطین دتاون اوله یهودی دان تاهون 1967 بیت المقدس دتاون اوله یهودی سهیغک هاری این. سفاتوتن اورغ اسلام سدر دان انصاف مغان جاتوهن بیت المقدس؟ سفرت دهولو جوک، کران مریک منیغکلکن اسلام. افبیل اسلام دتیغکلکن بیت المقدس جاتوه کتاغن موسه ۲ث.

نامون نبی صلی الله علیه وسلم منجنجیکن دالم ساتو حدیث یغ اکن برلاکو داخیر زمان:

لَا تَزَالُ طَائِفَةٌ مِنْ أُمَّتِي عَلَى الْحَقِّ ظَاهِرِينَ لَا يَضُرُّهُمْ مَنْ يَحْذُلُهُمْ حَتَّى يَأْتِيَ أَمْرُ

اللَّهِ. [رواه الترمذي]

(مقصودن): اکن تنف اد دکالغن اومتکو کمفولن یغ باغون میتاکن کبنارن، مریک تیدق

بوله دمضرتکن اوله اورغ ۲ یغ مچچیواکن مریک سهیغک داتغن اوروسن الله.

فارا صحابة برتانه:

مَنْ هُمْ يَا رَسُولَ اللَّهِ؟

(مقصودن): سیافکه مریک ایت، واهی رسول الله؟

سبدا رسول الله صلی الله علیه وسلم:

هُمْ أَصْحَابُ بَيْتِ الْمَقْدِسِ وَأَكْنَافُ بَيْتِ الْمَقْدِسِ.

(مقصودن): مریک ایاله فندودق بیت المقدس دان دکلیلیغ بیت المقدس.

فندودق بیت المقدس دان سکیترن داخیر زمان اکن بگکیت ممفرتاهنکن اسلام. مریک

تیدق بوله دکالهکن اوله سسیاف فون ترماسوق اورغ ۲ یغ مچچیواکن مریک. این منونجوقکن

داخیر زمان اد اورغ ۲ یغ مچچیواکن اومه اسلام. کیت میقسیکن فد هاری این بنرن سبدا نبی

صلی الله علیه وسلم. نکارا ۲ عرب یغ کای رای دکلیلیغ فلسطین مچچیواکن فلسطین. مریک سدغ

برفرغ سسام سندیری اونتوق منکککن کدودوقکن ماسیغ ۲، منجاک ککیان ماسیغ ۲ دان

برسکوغکول دغن موسه ۲ اسلام دری تیمور دان بارت. مریک ممبیارکن رعیة بیت المقدس یغ

دبونه هاری ۲ دان مریک یغ دبونه هاری ۲ دبیت المقدس این تیدق مپره کاله فد هاری این.

والوفون تیدق بایق سومباغن یغ دبیری، تیدق بایق سنجات یغ دسومبغکن، مریک تیدق مپره

کاله. اد اورغ ۲ اسلام یغ فرکی اونتوق منجادی فلنچوغ اتو فمرهاتی سهاج، بوکن اونتوق ممبنتو مریک. این مچیواکن مریک. اورغ ۲ اسلام مچیواکن مریک. یغ دانغ ملاوت جادی فلنچوغ. یغ ممرینته جادی فنونتون، تیدق ممبنتو رعیة فلسطین. مریک مچیواکن رعیة فلسطین.

نامون فرچیهاله کبسران اسراء دان معراج منونجوقکن بهوا سموا کواس یغ ممبیارکن اسلام ایت اداله کچیل دهدافن ککواسأن الله سبحانه وتعالی. الله ممبری امارن ددالم القرءان الکریم:

وَإِنْ تَوَلَّوْا يَسْتَبَدِلْ قَوْمًا غَيْرَكُمْ ثُمَّ لَا يَكُونُوا أَمْثَلَكُمْ ﴿٣٨﴾ [سورة محمد: ٣٨]

(مقصودن): دان جک کامو برفالیغ (درفد برایمان، برتقوی دان برجواغ) دی اکن مچکنتیکن کامو دغن قوم یغ لاین؛ ستله ایت مریک تیدق اکن برکادأن سفرت کامو.

واهی اورغ ۲ عرب دان اورغ ۲ یغ مچاکو اسلام، کالو کامو برفالیغ، الله کنتیکن قوم یغ لاین ممفرتاهنکن اسلام. مریک تیدق سفرت کامو. ایتله جنجی الله یغ مملهارا اکامش.

بَارِكْ اللَّهُ لِي وَلَكُمْ فِي الْكِتَابِ وَالسُّنَّةِ، وَنَفَعَنِي وَإِيَّاكُمْ بِالْآيَاتِ وَالْحِكْمَةِ.
أَقُولُ قَوْلِي هَذَا وَاسْتَغْفِرُ اللَّهَ الْعَظِيمَ لِي وَلَكُمْ وَلِسَائِرِ الْمُسْلِمِينَ وَالْمُسْلِمَاتِ إِنَّهُ هُوَ
الْعَفُورُ الرَّحِيمُ.

۲۸ رجب ۱۴۳۷ (06/05/2016)